

# OLA

PULETINI A'OGA



## ULUTALA MUA O LE VAIASO NA SE'I MAVAE

Lapata'ia aiga ma e femalaga'i i le faama'i Ebola o loo ua pepesi

\$40 miliona folafola e le Leipa mo le fausia o ni nofoaga se 10 e faaleleia ai le tautua a iunivesite

Lafoa'i e le malo le Novopay, \$110 miliona aofa'i ua faaaluina

Fa'aaoga tuatusi sese e mafai ai ona faa'o'oga ni tamaiti i a'oga tesile maualuluga.



PELEGA O LE NUU, e mafua ai ona tausili i le mea e gata ai le malos. Le tamaitai lausilafia i li'o o taaloga a le lalolagi, Ele Opeloge na ia maua le siliva mo Samoa i taaloga o loo faia i Sekotilani. Malo le sii. Ata—Zimbio.

## O ni galuega faaopoopo i la tatou upega

E pei ona faailoaina i le taimi ua alu, o loo faasolosolo pea le faaleleia o la tatou upega tafailagi, e faamasani i lona faiga ma saunia foi auala mo lona faaogaina lelei.

O ni suiga faaopoopo nei:

Muamua, ua mafai nei ona faitau la tatou puletini i luga o le upega i se faataotoga fou (new format) e foliga i se nusipepa masani.

Ua masani nisi o le aufaitau i le faataotoga lea ua fa'aaoga nei e le tele o nusipepa lomua i luga o le laina i lenei taimi. Ua manatu ai e lelei foi mo tatou lea faiga. O sina taiala lenei e fesoasoani mo lenei faataotoga fou.


I le uluupu **OLA ~FAITAU ~READ** i le itulau muamua o le upega e te maua ai le puletini i lona faataotoga fou. Kiliki le faailo (click to read) e tatala ai pe a iloa atu foliga o le puletini.

I le pito i luga o le puletini e te maua ai le laupapa (tagai i le ata i luga). O le laupapa lena e faatonutonu ma fetuutuuna'i ai le lapo'a poo le laitiiti e fetau ma lau silasila.

Fa'aaoga le iole (mouse) o le komepiuta e faagaoioi ai mea uma.

O le 'auū lanu mumu lena e faasino i le faamau pa'epa'e e fetuuna'i ai le laiti poo le lapopo'a o mataitusi e fetau ma lau silasila. Tuu tonu i ai le alofilima ma ma toso i le itu e te manao i ai.

O le 'auū meamata o loo iai mataū faasino i itu e lua—alu i luma, foi i tua . E te



fa'aaogaina e faitau ai le puletini.

O le 'auū lanu moana e faasino i le fa'ata lena e mafai foi ona tatala ai le puletini mo le faitauina.

O le 'auū lanu auro e faasino i le faailo e mafai ai ona fesui'i le puletini mai i itulau e lua i le na o le tasi le itulau. E aoga le suiga lea (tasi le itulau) mo le aufaitau e mana'omia le lapopo'a ma manino lelei o mataitusi. Afai e toe fia foi i le lua itulau, na ona toe kiliki lava o le faailo.

O le faailo lenei ('auū enaena) e mafai ai ona faatino nisi galuega e ala i sootaga faaonaponei ua masani ai e pei o le facebook ma le twitter mo ni faataitaiga.

Ma le faailo mulimuli ('auū viole), e faamuta ai pe tuua foi lea vaega o le upega.

I le taotoga masani o se itulau e le misi i lau silasila faailoga mataū nei e tutu i pito o le itulau. E tutusa o la a'oga ma na o loo faasino i ai le 'auū lanumeamata . Pule oe poo le fea e te faaogaina e susu'e ai se itulau aga'i i luma poo tua foi.

I mea faaopoopo ua iai isi nei:

O le **GALLERY (POTUATA)** e maua ai le tele o ata o mea sa tutupu ma pu'eina e le OLA i lenei tausaga ma le taimi tuana'i.

E gaoioi lava le slideshow. Afai e iai se faaletonu, e mafai ona fa'aaoga le iole o le komepiuta e faaola ai. Tuu tonu le alofilima i le tulimanu pito i lalo ma oomi le faamau () e amata ai.

E silia i se 300 ata o loo ua iai. Asiasi i ai ma si au vasega atonu o iai so latou ata i totonu, ma maimoa foi i nisi o mea sa lipotia e le tatou puletini i taimi ua tuana'i.

E fia avea le Potuata ma se faamanatu faipea mo faia'oga ma pa'aga a le OLA ua fai i lagi le folauga. O le a e maua o latou ata i totonu.





**Faasoa o le Vaiaso:****gagana ma le aganuu o lo tatou ala i malo**

O se mau ua faaoga soo o se manulauti i le tele o fonotaga a faia'oga o le gagana Samoa i Aotearoa nei. E iai le talitonuga o se tofa mau ua leva ona fefulisai ai tofa ma le utaga i lona moni ma lona atoatoa, ma o lenei ua tatou gagana ai. E leai ni faamaoniga o se tofa mau mai anamua, pe o se tofa na fafau i mafauauga faaneionapo ona o se tofa ua faamaonia e suesuega i atunuu eseese.

O lē ua fai ma faatamā o lenei tofa o le alii o Bordieu, ma ni isi e pei o Bernstein. E iai foi suafa nei: Richard Harker, Roy Nash, Adrienne Alton-Lee, Graham Nuthall, Russell Bishop, Alison Jones, Tagaloa Peggy Dunlop) ma isi o ni faataitaiga. O nei suesuega uma, e autasi i le faaiuga ma se talitonuga:

*O tamaiti mai aiga o loo faaauau a latou tu ma aga faaleaiga, faalenu'u ma faalapotopotoga e iai, i totonu o se a'oga, o i latou ia e matele ina atoatoa ma sologa lelei, ma iu manuia a latou a'oga.*

O isi nei suesuega (Alton-Lee, Nuthall, Bishop, Benton, Harker, Nash, Jones, Lloyd, Ramsay ma ni isi) ua faailoa ai le tulagavale o le a'oa'oina o tagata Maori, tagata Pasefika ma ni isi o tagata mai ituaiga e ese mai ai i lo tagata Papalagi.

O se tasi o pogai o lenei faaletonu, ona o le le tauaveina o paia ma mamalu o tagata Maori ma tagata Pasefika i totonu o a'oga i tausaga e tele. E fono faaopoopo faaiuga o suesuega nei, i suesuega mai fafo e iai Cummings, Stoll, Helu-Thaman, Fillmore-Wong ma isi foi) i le faamanuiaina o tamaiti mai aiga o lo o atagia a latou tu ma aga i totonu o a'oga.

Ua faapea ona faailoa mai i suesuega a tagata Pasefika i totonu o Aotearoa (Fafoi et al, Esera, Lameta – Tufuga, Tuafuti, Lemalu-Aukuso, Utumapu, Tagoilelagi-Leota ma isi, Taumoefolau ma isi, Sauvao, Dunlop ma le to'atele), le ao ai ona silasila toto'a le Ofisa o A'oga, Komiti Faatonu, matua ma pulea'oga i le faatauaina o paia ma mamalu o tamaiti, i totonu o a'oga.

*O nei suesuega uma e faamaonia ai le mau, a tauave paia o tamaiti o le a'oga i totonu o le a'oga, ma faaoga tu ma aga e masani ai tamaiti, o le a faapea ona faamanuiaina lo latou taumafai.*

O tamaiti e le o atagia, ma faatauaina a latou aganuu, tomaiti ma agavaa, i totonu o se a'oga, o le toatele o i latou ia e iuvale o latou taumafai.

**AGANUU A AOGA**

I lenei pepa ou te faamatalaina le aganuu a a'oga e faapea; o le tuufaatasiga o le tofa mamao, o le anava tauave, tofa silisili, o tapu, o talitonuga i le tofa saili ma le fausia o atamai ma agava'a, le tofa tatala, tu ma aga a le a'oga. O aganuu a a'oga e fafau faatasi e matua, faia'oga, le fanau faapea ma le atunuu atoa ae ta'ita'ia lona fausaga e le Pule Aoga. O se galuega e mao'e lona faigata ona faatino ma tausisi i ai. Ae a le mau'a e leai se fatu, leai se faavae e fausia ai ma faatino tiute i totonu o le a'oga.

O le tofa mamao, o le faaupuina lea o miti, moomooga ma faamoemoga o lea

a'oga i ni tomaiti ma ni agavaa o tamaiti e i'u mai lea a'oga. E aofia ai i lea tofa mamao le ituaiga a'oga e moomia e matua, faia'oga, le aai, le itumalo, le fanau ma le atunuu.

E iai foi i lenei tofa mamao le ituaiga faia'oga e mana'omia, ma auala e faatino ai ona tiute.

O le anava tauave a le a'oga e laugatasia ai le tele o a'oga, ona o le auga o le atiina'ega lea o le atamai ma le agava'a o le fanau. Ae eseese ai a'oga ona o alafua ma vaega eseese o nei alafua ma o latou sini e mo'omo'o i ai.

O le eseese la o alafua e mafua ai ona eseese fuafuaga mamao ma fuafuaga lata mai, ma faatinoga e fai, ina ia taulata atu ai i sini o loo molia mai e le tofa mamao a se a'oga.

O tofa silisili, o manatu ia ua autasi i ai tagata o lea faalapotopotoga e fai ma o latou faasinoala e limataitaiina ai le faatinoga o tiute ma tofi i totonu o le a'oga. O ni faataitaiga, o le tausaga o le va fealoai, tausaga o le soifua saogalemu, le faaaloalo, ma le alofa.

O tapu o itu e sa ona solia pe sopoia e se tasi, ma o se feagaiga lea e mafai ona faatino se mea i totonu o le a'oga.

O talitonuga o manatu ua autasi i ai le aoga e faatino ai a latou tu ma aga, faapea ai ma le tofa saili. O talitonuga o a'oga e matele i mea e tataua ona faatino e le vasega o faia'oga, matua ma le fanau i le faatinoga o le fausaga o le atamai.

O le tofa tatala e faatatau lea i fatuga, tusitusiga, pese fatu ma a latou lagisolo e momoli ai le feau i tagata lautele e uiga i le fatu ma le agaga ola o le a'oga. E faapea foi ona faamausali ai i loto ma agaga o le fanau le amio ma uiga e manaomia.

O le tele o tu ma aga a se a'oga, e tauave ai paia ma mamalu o lea a'oga. O le gagana na te afifi, faamatala, faatumau ma faalautele ai aga ma tu a le a'oga.

O le aganuu a se a'oga e tataua ona atagia mai i tu ma aga a alo ma fanau, matua ma le vasega o faia'oga i totonu o lea a'oga. E atagia mai ai foi faanaunauga o le atunuu atoa. E tele faafitauli i le fafauina o se aganuu a se a'oga, ma faapea ai ona puipui gata. Ae o se mea e taua tele.

**FAASAMOA**

O la tatou aganuu e masuasua i tofa mamao, tapu, tofa silisili, talitonuga, atamai ma tofa manino, tu ma aga ua tatou autasi i ai, ma ua ese ai lava Samoa mai isi.

E ui ina eseese le faatinoga o ni isi o tu ma aga ona o le siosiomaga ua outou soifua ma tatou ola ai, ae iai le talitonuga e tumau pea le faavae o tapu ma tofa silisili, talitonuga ma tofa manino e ese ai Samoa i lana tu ma le aga ma faamamafa e aafia tonu ai le fanau.

O le umi foi ona tatou mafuta ai ma isi uso a tagata, o le atili ai lea ona tatou talitonu i le tulaga ese o mea e mafai ona tatou ofoina e ala ia tatou tu ma aga mo le faaleleia o a tatou fanau i se siosiomaga ese. E ui ina le tutusa uma i tulaga o le soifuuga ma faamanuiaga, ae maea e tasi le finagalo e mafai ona faaleleia fanau uma pe a tausisia le gagana, a latou tu ma aga, o loo afifi i totonu o lona iloa ona tauave o latou mamalu, o ni tagata o se nuu.



Faatili Iosua Esera, Pule A'oga

**Tala o le Vaiaso:****Ta'uvalea taaloga Sekotilani i le taufaavalea o nisi o le autauva**

Ua avea le naunau malo o nisi o le autauva ma mafuaaga ua latou uia ai ni auala e le gata e solitulafono ae o ni faata'ita'iga e le lelei mo fanau laiti o loo mulita'ia o latou faiva i taaloga o loo tauva ai.

E lima ni mataupu ua alia'e nei i totonu o le lotoa o taaloga i Kalasikoe, ua faamaonia ai le tagofia e nisi o latou o ni vailaau faasaina, ae o loo suesueina pea isi.

Muamua le tamaiti siisii 16 tausaga, o Chike Amalaha, o le malo Niseria (Nigeria) ua toe ave ese le pine auro mai ia te ia ina ua faamaonia lona solia o le tulafono. O lana taaloga o le siisii meamamafa. Lona lua o se isi tamaiti mai lea lava malo e suafa ia Olydamola Osayomi, sa tauva i le tuuga tamo'e 100 mita. Na faamaonia lona faaogaina o se vailaau faasaina a o le i amataina le tuuga, ma ua fao ese nei le auro mai ia te ia ae avatu i le na mauaina le siliva.

O le tala i taaloga ma vailaau faasaina o loo avea pea ma ila i soo se tauvaga faavaomalo e aofia le Taupulega ma le Olimipeka foi.

O le mataupu lausilafia o lona ia Valerie Adams ma lē sa la tauva mo le auro, na toe faafoisia ai le auro ia Adams ina ua faamaonia le taufaavalea o lē sa uluai aveina i ai.

**Lagolago e Niu Sila le siitia o le Tapulaa mo ana faia'oga**

Na manino i le faaiuga o le sailiiliga a le nusipepa NZ Herald, le mana'oga o tagatanuu a Niu Sila. E sili ia i latou le faaalu o tupe e siitia ai le tapulaa o tomaiti faafaia'oga i lo le faaitiitia o le numera o vasega.

E silia i le 60 pasene na 'au i le taofi e sili ona faaalu le tupe mo le faaleleia o tomaiti a'oa'o o faia'oga i lo le faaitiitia o le numera o vasega e pei ona finau mai ai le Leipa.

E \$359 miliona ua folafola nei e le National e fa'aaoga i sana fuafuaga e tauia ai pule a'oga ma faia'oga e manatu o loo tausolomua i le faia o le faata'ita'iga lelei.

O le tali a le Leipa i ai, na te faaogaina le tupe lenei e faafaigaluega ai ni faia'oga fou se 2000 ma faalalo le numera o tamaiti i vasega.

I le taimi nei ua avea A'oga ma malae kiki polo a vaega faaupufai, a o sauni atu mo le palota ia Novema.

O le faitioga i le fuafuaga a le National mo tauai, o le auala e faatino ai. E ono tauia lava e le National na o ana faia'oga ma pule o loo lagolagoina lana itu. Pe filifili foi e le pule na o faia'oga e fiafia i ai, ae tuu faia'oga e tataua ona ave i ai le tauai.

**“mafauauga o le vaiaso”**

Matou te taofia nei moni o ni mau ta'utino, na faia tagata uma e tutusa, ma ua faa'oloina i latou e lo latou Mataisau i ni Pule tumau, e aofia ai le Ola, Saolotoga ma le sailiga o le Fiafia.

Ulua'i upu o le Faavae a le malo o Amerika



**Ripoti o le Vaiaso:**

# Folafola le pule a le fono ae manaomia se leoleoga

I le fonotaga a ta'ita'i o le Pasefika i le vaiaso ua mavae na latou faia ai ni folafolaga e faatatau i lo latou vasa o loo avea ma o latou vaa malaga, na latou faia foi se faaiuga faatatau i le mataupu ia Fiti, ma tofia foi se failautusi fou mo le Fono.

E pei ona silafia o le malo o Palau sa talimalo i le fono o lenei tausaga. Sa auai ta'ita'i o malo o le Pasefika ma a latou usufono, peitai e le i auai ta'ita'i o Niu Sila ma Ausetalia ona o ni tuagia faalemalo.

O le peresetene o le malo Palau, Tommy Remengesau, na tatalaina le fono, ma na faamamafa i lana saunoaga le taua naua o le faasao i le gataifale mo atunuu uma o le Pasefika, o se mea e faalagolago i ai o latou lumanai ma le faaualoaina.

O le faasaoina o ana 'oa faanatura mai le gaioia e isi o se tasi lea mataupu sa laualuga i talanoaga. I le tausaga talu ai na faamauina ai le lata i le \$4 piliona na maua mai le tuna i totonu o le Pasefika, peitai na o se 18% (\$460 miliona tupe Amerika) na maua e malo Pasefika.

O fea le 82% (\$3540 miliona) o le fesili lena o loo sailia sona tali i le finau a malo o le Pasefika mo sona vaega talafeagai i le faasoaga le tutusa o alamanuia mai lona siosiomaga.

O le faalavelave auā e le lava tagata ma meafaigaluega e leoleoina ai ogasami tetele o loo i lalo o a latou pulega.

O lea to'atuga sa talanoaina e le fono, ma faailoa ai le mana'omia o le galulue faatasi ma malo tetele o loo faipaaga ma le fono, i ni auala e taofia ai nei soligatulafono.

O nisi o auala e aofia ai le fetufa'i o faamatalaga ma tamau ni tuutuuga faavaomalo ina ia faalaugatasia tutusa atunuu uma i faamanuiaga e maua mai ai.

Na ofo e Niu Sila se \$4.6 miliona mo le faaleleia o le pulega o faamatalaga, e faaopoopo i le \$66 miliona ua mae'ona ofoina mo le atina'e o fagotaga i totonu o le

**I le avea ai ma ni tausimea a tagata o le Pasefika, o le tasi popolega tele i ta'ita'i e pei o le palemia a Samoa, Tuilaepa Sailele Malielegaoi, ma le peresetene Palau o Tommy Remengesau (ogatotonu i le ata), o le saosaoa o le faaogaina o 'oa faanatura e iai i'a ma figota ona o le soona fagotaina. Le mamate o 'amu ona o le siitai pea o le vevela.**

**Ua tuuaiina malo e pei o Iapani, Korea ma Saina**



**i faiga faasolitulafono loo aafia ai a latou tautai. Ua tuuaiina malo tetele**

**o le lalolagi i le ea palapala ua avea ma faapogai o le velasia o le suasami.**

itulagi. Na talanoaina foi i le fono le taua o le tapenaina o se Sini e avea ai Vasa a le lalolagi ma taula'iga. E faavae ai ni fuafuaga tuutuu mamao i le atina'eina o lona vasa.

O lenei mataupu ma ona auililiga o le a saga talanoaina i le fono a malo laiti ia Setema lea o le a talimalo ai Samoa.

O le tasi mataupu taua a le fono o le toe faaulufaleina o Fiti i totonu o le saofaiga. Na talia e le fono le talosaga ina ua faamalieina i le tulaga auiluma o ana fuafuaga mo le toe faafoisia o Fiti i pulegamalo faatemokarasi. E tasi le tuutuuga, e tataua ona amiotonu le faiga o lana palota o loo ua tālia nei mo Setema o le tausaga nei.

I le tausaga e 2009 na faate'a ai Fiti ma le fono e mafua i le fou a le fitafita i lalo o le ta'ita'iga a Frank Bainimarama, ma suia ai le faigamalo sa tulai mai i lena taimi.

Ma le galuega mulimuli a le fono, o le taliaina lea o le tofiga o lana Failautusi fou, le tamaitai Papua o Dame Meg Taylor.

O Taylor o le ulua'i failautusi tamaitai ua suia nei Tuiloma Neroni Slade sa tu i le foe.

E manino i atugaluga o finagalo faaali o

sui o le fono le telē o le lu'i o loo feagai ma malo laiti o le igoa Pasefika. Muamua o le faatauvaa o tamaoaiga e faalagolago i ai a latou fuafuaga i le atina'eina, tausiga ma le faaualoaina o puna'oa faalegataifale. O le tele o kamupani gaosi i'a i Asia ma Amerika o loo fagotaga faasolitulafono i sone e pulea e malo Pasefika.

Latou te gaioia le pasene lapo'a e aunoa ma se tau e maua mai ai. E le o iloga foi ona maopoopo ni tulafono faavaomalo e taofia ai nei faiga mo se lelei o malo laiti o loo aafia.

E manatu le fono e telē se sao o le 'auuso matutua' (Niu Sila ma Ausetalia) i le faaleoina o nei mataupu i fonotaga tetele a le lalolagi.

Peitai e le faigofie auā e tofia se faigamalo ma sana faiga faavae e taupipii i ai.

Na malolosi ni faitioga faasaga i le palemia fou a Ausetalia o Tony Abbott lata mai, mai uso a ta'ita'i i lona lagolagoina o le finau e faatelegese teisi ni suiga e faalalo ai le 'ea palapala'. O se taofi e fetoa'i tonu ma le mau a le Fono Pasefika o le faatele'a'i.

E mautinoa o nei mataupu o le a pito i luga i le lisi o mataupu talanoaina i le fono a malo laiti lea o le a talimalo ai Samoa ia Setema.





O TALA E IAI NI O LATOU A'OA'OGA TAUA

## O MEA AUPITO TAUA I LE OLAGA



Na mafaufau se faia'oga toaina i sana tali i le fesili a lana vasega, Poo a mea aupito taua i le olaga o se tagata.

Ona usu mai lea i le taeao na sosoo ai ma valaau atu loa i lana vasega e soso atu i luma e matamata i lana galuega faatino o le a fai.

Na tago i totonu o se ato ma ava'e i luga mea nei: O ni maa lamolemole se lima, o se pepa e tumu i ni atigifigota, ma le isi pepa e tumu i oneone.

Ona toe aapa ifo lea ua ava'e i luga se tamai fagu malamalama ua tuu tonu i ona luma i luga o se laulau. Na ia tatala nei le tapuni o le fagu ma tuu i totonu maa lamolemole e lima. Na toe ina tumu ai le fagu. Ona fesili lea i lana vasega, "Ta'u mai, ua tumu le fagu?"

Ona tali atu lea o le vasega, "Ua toe lava ina tumu ae le i tumu atoatoa."

Ona tago lea o le toaina i le pepa o loo tumu i atigifigota, ua amata ona la'u nisi i totonu ma iu ina le toe ofi se atigi. Ona fesili foi lea o le faia'oga i le vasega, "Ta'u mai, ua tumu le fagu?"

Ona tali atu foi lea o le vasega, "Toe lava ina tumu atoatoa ae o lena lava e iloa atu nai ava na i le va o maa ma atigi figota."

Ona tago lea o le faia'oga i le pepa o loo iai oneone, ua amata ona sasaa i totonu o le fagu, ua toulu ifo ma faatumulia ai ava laiti uma. Ua le iloa atu ai maa ma atigi figota sa i totonu. Ona fesili foi i lana vasega, "Ta'u mai, ua tumu le fagu?"

Ona tali atu lea o le vasega, "Ua tumu lelei."

Ona faapea atu lea le tala a le faia'oga i lana vasega, "O la'u tali lena i la outou fesili na fai mai ananafi. Ma e faapenei lona faauigaina."

"O maa lamolemole e lima o faatusa na o mea aupito taua i le olaga o se tagata. O lona aiga, o lona toalua, o lona ola maloloina, o lona fiafia, ma lo la va ma le Atua ma lona tuaoi. O le numera 5 o le faatusa o le alofa e fusia ai mea uma.

"Lona lua, o atigifigota; o faatusa o mea taua e pito i ai ae le tatau ona muamua. O lau galuega e te ola ai, o se mea e te nofo ai, ma le vaa e te fagota ai. O isi mea ua na o ni mea laiti, o ni faaopoopo e aoga ae e le soona taua. O mea na ua faatusa i le oneone. E aoga e saga faaleleia ai lou olaga, ae e le tatau ona avea ma ni faamuamua i lou olaga.

"Mo se faata'ita'iga, ana se mea ou te sasaina muamua le oneone i totonu o le fagu, po ua tumu ai le fagu ae leai se avanoa mo maa lamolemole. Pe ou te faamuamua foi atigifigota, ona laitiiti lea o le avanoa mo maa lamolemole e ofi uma ai.

"E faapena se faatusa o lo tatou olaga. E tele o tatou taimi ma le malosi ua faaalu i atigifigota ma oneone, ae laitiiti e faaalu i mea aupito taua.

"Aua foi ne'i galo, o mea aupito taua e te maua e aunoa se totogi. O le ola ma le 'ea e te manavaina. O lou loto fiafia pe a faitau se tusi, ta'a'alo ma le fanau, tusi se ata, ave lau paga e faatafao, fufulu le taavale; fai sina savali, e sili atu lena i lo seevae taugata poo se ofu taugata, poo ni oloa taugata ua e manatu e maua ai lou fiafia."

O le galuega faatino lena na faauma ai le mataupu a le faia'oga. E mafai foi ona tatou faata'ita'ia.

O le faatulagaga lena a le faia'oga o ana mea taua. Toe tusi sau lisi ae pule oe i lau faasologa. (1—aupito sili le taua)

1. O lo'u fiafia
2. O o'u matua
3. O la'u fanau ma lo'u toalua
4. O lo'u ola maloloina
5. O o'u taimi paganoa
6. O la'u galuega
7. O la'u tapua'iga
8. O a'u uo
9. O la'u taavale
10. O aiga tauosi ma faalavelave.

Lau'fatu a Samoa

ATA: O MEA E PELE I LE TUUGAMAU



Se tasi o ata tusia faatatau i mafatiaga o fanau a Palesitina i le vevesi o loo tupu i le Nu'u Paia.

O NI SOLO IA PALESITINA

1

Aua e te faanoanoa, auā o lea ou te manuia  
A e sogi i o'u seevae piniki  
faapelepele  
aua e te tagi; o pisia i luga  
o o'u seevae ua avea ma se nuanua  
i le lagi mamā  
Ou te faamauina e a'u lava  
Lenei ou te oso, ou te faaopeopea  
ma lele.

2

Tu i luga, alu ese  
E le o sou mapusaga lena  
Auā ua faaleagaina  
Ua lepetia, ua siliga se fofo.

3

Faalogo outou ta'ita'i o lakopo  
Faipule o Israelu  
Tou te le opoina ea le faamasinoga  
Outou ua inoino i le lelei ae alofa i le  
leaga  
Ua outou sae ese pa'u o o matou  
tagata  
ma aano mai o latou ponaivi  
ma vaevae faapei o ni  
anogase e sauni mo le falai.

Faalogo mai outou ta'ita'i o lakopo  
Faipule o Israelu  
Outou ua inoino i le faamasinoga  
ma faasese le mea amiotonu;  
Ua fausia Siona i le toto  
ma Ierusalem i le amioleaga.

FAAILOAGA ~ ACKNOWLEDGEMENTS


Tala: E le iloa le na tusia

Ata: Poetry for Palestine.com

Solo: Tusia e tamaiti a'oga Palesitina mo le Poetry for Palestine; liliuina e le OLA.




Sponsored by Evaleon Books



**LOUTALA FA'ASOLOPITO**

**SAMOA HISTORY**



*Matavanu i le 1906 osofaia Gagaemauga. Ata: Thomas Andrew*



**SAU'AI FOLIGA FIAFIA:**  
Sio Utumapu, avea ma foliga vaaia o Matavanu i nei aso, o loo tu i luga tonu o augutu o le ano.

*Ata: TravelTart.com*

**04—10 Aokuso**

<b>04</b>	<b>1905</b> Pa le mauga mu Matavanu i Savaii
<b>05</b>	<b>1880</b> Osofa'i ma sunui ni nuu o Palauli e Faasaleleaga ma Satupaitea (Tuvale)
<b>05</b>	<b>1983</b> Umusa le Malumalu Mamona i Pesega
<b>06</b>	<b>1921</b> Aso fanau: Fiamē Mata'afa Faumuina Mulinuū le II
<b>06</b>	<b>2004</b> Taunuu i Apia mamoe mai Fiti mo faato'aga
<b>09</b>	<b>1999</b> Faamaonia moliaga o Alatise Leafa Vitale i le maliu o Luagalau Levaula
<b>10</b>	<b>1994</b> Sini. Malolo Manu Samoa ia Ausetalia, 73-3
<b>10</b>	<b>1839</b> Tofia misionare Samoa e 12 e tala'i le tala lelei i le Pasefika. Suafa: Ioane,

<b>07</b>	<b>2004</b> Asia Samoa e Dwayne 'The Rock' Johnson mo le taimi muamua
<b>07</b>	<b>1997</b> Atenai. Pine auro Beatrice Faumuina i le tauvaga Lalolagi Pulu Salafalafa
<b>08</b>	<b>1914</b> Logo Niu Sila e Peretania e auina se vaega'au e faoa uaealesi Siamani i Samoa
<b>08</b>	<b>1887</b> Tu'ua Apia e le <i>Kaimiloa</i> , va'a a le tupu o Hawaii
<b>09</b>	<b>1830</b> Tu'ua Vava'u (Toga) e le <i>Savali</i> o le <i>Filemu</i> , faatasi Fauea ma lona faletua
<b>10</b>	<b>1987</b> Faia i Savaii taulumaga Faamasinoga Mauluga mo le taimi muamua

**109 tausaga le umi malologa a matavanu**

Ua savali nei i le 3-4 tupulaga talu ina pa le Maugamu o Matavanu i le motu o Salafai. Ua 109 tausaga e le o toe iai ni faailo vaaia e faapopoleina ai ē e nonofo latalata i ai. E oo foi i le vaaiga i lona ano na o laau e tutupu olaola, ma se alii e vaaia (ata), e foliga i le sau'ai o Mafuie pe a fiafia; ma foliga mai ai o se parataiso ua toe faafoisia. E ono tupu ai se lagona ua ma'ona le afi, ma uma ai. O le fesili autu lea, faamata ua mate mo'i? Faapefea pe afai ae toe ala mai le sau'ai? O le tali faasaaienisi, e leai se maugamu e moe ai pea, ua na ona mapu mo sina taimi ae toe alafa'i mai. A laki, o lona uiga e umi se taimi, ae mafai ona toe ala mai nei poo taeao e aunoa ma se faailoga e ta'u mai ai. Fai mai o le motu atoa o Savaii o se mauga mu o le ituaiga o le talita, e faatusa i le talita a le fitafita. O le ituaiga lea e iai Mauna Loa o loo ola i Hawaii. Ia Tesema 2000 na faamaonia ai i se su'esu'ega a se vasega o saienitisi le iai o se maugamu ola i lalo o le sami i gatai o Manu'a. Faaigoa ia Vailuluu, o se molimau lea i le mau o Samoa o le isi e aofia i le li'o o nofoaga vevela a le lalolagi. Ia Setema 1866 na molimau ai le faifeau LMS Rarotoga o Ta'unga i le sasao a'e o se maugamu i lalo o le sami i gatai o Olosega. E tolu vaiaso o sasao. E talitonu o Vailuluu lea e pei ona molimau saienitisi. (Taga'i foi i le video i luga o le Utube o le alii o Utumapu ma Matavanu).

**NIUPAC PUBLICATION**

Email: [evaleon@extra.co.nz](mailto:evaleon@extra.co.nz)  
Phone: (09) 269-6186  
Postal: PO Box 43122  
Mangere Town Centre,  
AUK 2153

All rights reserved. This bulletin and its content is protected by copyright laws of New Zealand and international conventions. Except for educational purposes, any other activity pertaining to its use is prohibited. NIUPAC 2014

**Editors:**  
Levi Tavita  
[ltavita8@gmail.com](mailto:ltavita8@gmail.com)

Muliagatele Vāvāō Fetui  
[v.fetui@auckland.ac.nz](mailto:v.fetui@auckland.ac.nz)

Saili Aukuso  
[saili.puletini.aoga.ola@gmail.com](mailto:saili.puletini.aoga.ola@gmail.com)

**Sponsors:**  
New Zealand Lottery Commission

Evaleon Books & Niupac Publishing

Wheeler's Books (NZ)



**EVALEON BOOKS & NIUPAC PUBLISHING**



Telefoni (09) 269-6186. Imeli: [evaleon@extra.co.nz](mailto:evaleon@extra.co.nz)

*Tautua e ala i le gaosia o alaga'oa mo a'oga (tusi mo le a'oa'oina o le faitau i le gagana Samoa, tusi e a'oa'o ai gagana, kalena, posters, yearbooks, brochures. E tautua fo'i i le fa'aliliuga o gagana, ma le tapenaina o ni tusi e fia lomia i so'o se sionara o fatuga.*



Lau Amata: (i tusi e tolu) 2011, 2012  
O se folasaga o vaegamea o le gagana, leo, upu ma uiga i sona aotelega. Fa'atasi ma galuega e su'esu'eina ai le fanau a'oga.

All our books are distributed by the University Bookshop Ltd, Auckland City. Contact: [www.ubsbooks.co.nz/](http://www.ubsbooks.co.nz/) & Wheeler's Books NZ. Contact: [www.wheelersbooks.co.nz](http://www.wheelersbooks.co.nz)

Ask for our Latest publications



**UILI FAU UPU**

Saili tali o fesili o lo'o i lalo. Pule oe pe sipela i luma (clockwise) po'o tua (anticlockwise). E sa le feosoosofa'i.



- Tusi mai ni soa se tolu o le upu *foa'i* i le Igilisi:  
\_\_\_\_\_
- Su'e le upu *nofo* ma tusi uma ni ona fausaga. *ft., nofoa*  
\_\_\_\_\_
- Su'e le upu *nofoa'i* ma tusi sona faamatalaga:  
\_\_\_\_\_

- Tusi uma upu/ fuiupu e ta'i 4-8 mata'itusi, (ma o latou soa i le Igilisi—English).  
(E faitaulia ma upu ua ta'ua i le 1, 2 & 3)

*Lelei atoa* = 12 upu  
*Lelei tele* = 8 upu  
*Lelei* = 6 upu

Mo fanau laiti, e lava upu e ta'itolu pe ta'ifa mataitusi, ae fua lava i le malosi.

**SUDOKU #22 (TAALOGA I NUMERA)**

		1						
				1	7	3		
7	9		2	8			1	6
				2			7	4
	4	9	3		7	6	2	
2	1			6				
8	3			7	2		6	1
	2	4	1					
						3		

Fa'atumu pusa numera (tama'i sikuea) i fuainumera 1 i le 9. Ia uma ane le galuega ua maua atulaina ta'itasi (tu, fa'alava) o iai le 1 i le 9. E tofu le atulaina ma lona fa'atulagaga e ese mai le isi.

FAIGOFIE/ FEOLOOLO/ FAIGATA

**TALI GALUEGA OLA 21**

- UILI FAU'UPU 21**
- lata—close to; lata—near; lata—tame
  - tagi & ona fausaga—tagitagi, tatagi, tagisia, tagisaga, faatagi, faatagisia, tagisa'i, faatagisi, matagitagi
  - talitiga (soanauna & nauna). E mafai ona onosaia ni tiga poo ni mea faigata o le olaga. E maeu le talitiga o le tama a o feagai ai ma le ma'i.

- tali—defend, tali—answer, tali—reply, tali—receive guests; tagi—lawsuit, tagi—bird cry; aliti—bed of river; tiga—pain, tila—mast; gata—snake, gata—ended; ma isi

**TALI SUDOKU #21**

6	5	1	7	4	3	2	8	9
4	8	2	6	9	1	7	3	5
7	9	3	2	8	5	4	1	6
3	6	8	5	2	9	1	7	4
5	4	9	3	1	7	6	2	8
2	1	7	8	6	4	5	9	3
8	3	5	4	7	2	9	6	1
9	2	4	1	3	6	8	5	7
1	7	6	9	5	8	3	4	2

**TA'U MAI:**

O se tasi o vaaiga i le po na tatala aloa'ia ai Taaloga a le Taupulega Malo (Peretania) i le taulaga o Kalasikoe i Sekotilani. E foliga i se vaa mai se paneta mamao ua tulalueleele.



**TALI PASO #21**

N	O	U	E	S	I	L	E	S
I	L	T	U	T	U	E		
U	T	L	A	E	L	A	E	K
S	A	K	A	N	A	O		
I	U	T	E	U	I	L	A	T
L	L	O	F	O	P	I		
A	O	A	T	I	N	A	E	L
F	A	A	U	K	I	A		
O	E	I	A	P	A	N	I	N
O	S	P	G	S	I			
A	U	S	E	T	A	L	I	A

© PasoSamoa, 2014


**PASO I GAGANA E LUA**

Fa'atumu le paso i upu Samoa. Fill the crossword with Samoan words/names—unless stated otherwise.

1		2			3	4		5		6
				7						
8										
9			10		11		12		13	
		14					15			
16	17		18	19		20			21	
22								23		
			24						25	26
27		28						29		
30						31				

Fa'alava~  
Across

- titleholder (4)
- The Rock's matai title (6)
- tournament (11)
- Legend: he gave the gods a hiding (2)
- ten in Maori (5)
- first degree (Eng) (2)
- slap (2)
- paddle (3)
- some (2)
- isthmus (5)
- root (2)
- Remark when annoyed with someone (3) interj
- Allan short (2)
- girl's name (5)
- flick (2)
- whose flag? (4)
- Crusader winger(9)



Lalo~Down

- Netherlands in Samoan (8)
- donation (4)
- Enoch in Samoan (5)
- Translate: It is day (2,2)
- them (two) (1,4)
- Whose flag? (4)
- settled (of weather) (3)
- food in Maori (3)
- yam (3)
- Kurtley Who? (5)
- a fish name (3)
- wire (4)
- Tariana Who? (5)
- brother (3)
- bark dog (2)
- lost, stranded (2)
- for (2)



Manatua: E faatumu le paso i upu & igoa Samoa

**Ta'u mai le atunuu e iai le vaaiga lenei.**

**Faamatala atili.**



**POLE ma PAPA**

